

سنه : ۱

۱ ترموز ۱۳۴۰

صافی : ۱۵ ، ۱۶

مخبر

اقتصادی ، اجتماعی ، فلسفی ، تاریخی ، ادبی مجموعه دوره
شیمیدیلک آیده بر نشر اولنور

مضمون جات

- حقیقه فلسفه زو کورتویز محمد امین ۶۵ ح
لام « ادبیات و ادبی انکشاف » مصطفی شکیب ۷۷ ح
یوسز سلطانده بر نوروز صباحی قمریه حسین ۷۷ ح
اح اذاتی دیکر کن سمیر جمال اوره نوس ۷۹ ح
تا آبیاده تور کن و تورکنک دینی علمی ضیاء ۸۱ ح
شیخ مهروردینک حادثه قتلی یوسف ضیاء ۸۱ ح
نص اسارتینک لغوی « غ فدرک کتاشنه دار » ع . ج ۸۷ ح
ونوقال آیدین نهن ماه ۸۸ ح
نادولو تاریخنده دینی رو حیات مشاهدملری « حاجی بکناش ولی » ع . ص ۱۵ ح
اریخ مدینده قادینلر طاهر عربعلی ۸۷ ح
حی بن یقطان « ابن طفیل » رشید ۸۷ ح

شهراده باشی : اوقاف مطبعه سی

۱۹۲۴ — ۱۳۴۰

فائض اسارتك لغوى

غ . فهدرك كتابه داتر

آلتش ميلون عسكرى محاربه خطريته سوق ايدن وبونلردن يكرى ميلونى سېرك، تخريب يلن معوره لك انقاضى ايچنه كومرك افلايليه ١٩١٤ - ١٨ جهان حربى جمعيت بشريه يي تملندن رضان برحادثه مهمه اولمشدر . تاريخك قيد ايتديكى وقايع آراسنده مثلنه تصادف ايديله ميهن بو يم صرعه بحرانك بنيته اجتماعيه مزى تسميم ايتمش كيزلي برخسته لك ديشارى وورماسى ديك اولديفنه ايديله مزى . مدنى بشريت درت سنه هلى الدوام بو بحران ايچنده چيرينشش وكندى وجودنى اليه يشيله تخريب ايتمشدر .

حربدن صوكره بحرانك عكس عملارى هربرده مشهود اولغه باشلادى . بادره عظمائك فكرلر وحلم اوزرنده كى تأثير ده اونستده بويوك اولدى ، اوروپا لك شرقنده قومونيزم دسيورلر يك قانلى اطارلنى نسبتنده غرپده بين الملل سرمايه دارللك تقريبطكارانه تجلياتى عيى مرضك مختلف تظاهرى .

ى . شرق و مركزى اوروپاده كى اختلافات اجتماعيه وسياسيه حامللى اولان قومونيزم و صوسياलिست يانلرى وبونلرى تمثيل ايدن فرق متعددده مياننده آلمان « ناسيونال صوسيال » فرقه سلك ده مهم موقعى واردر . مشهور « هيتلر » ك زاده ترتيبى اولان بوفرقيه منسوب « غ . فهدر » اخيراً به خطابه برساله نشر ايتمشدر .

آلمان ياده افكارى خيلى مشغول ايدن بورسالك محتوياتى مهم برمستله اقتصاديه وماليه به تعلق ييور : فائض اسارتك لغوى ...

مؤلف عصر حاضر ك خسته لغنه « مامونيزم » نامى وير ييور . بوكله اوتنه دنبرى صوسياलिست ادبياتنده سرمايه دارلى معناسنه مستعملدر ؛ وعبرانى قديمده ثروت و جمع نقودى تمثيل ايدن « مامون » كله سندن خوددر . سن ماتيوانچلنه نظراً حضرت مسيح طاغ موعظه سنده « اللهه ومامونه عيى زمانده عبادت ده مزسكز » ديتمشدر .

مؤلف كتابك مدخلنده : مامونيزم نهدر ؟ سئوالنى ايراد ايد ييور ومستله يي بوجه آتى وضع ايضاح ايد ييور :

« مامونيزم ، بين الملل بويوك سرمايه دارللك غير مرئى ، اسرارانكيز ومشوم حاكيتيدر . نط عيى زمانده ده برده نيتدر ؛ مامونيزم زهريله مسموم اولانلر طرفندن بويوك سرمايه دارللك رشى اولان تعبددر . مامونيزم ، بشرده مكنوز قازانچ ميلنك خدمتقولى تجاوز ايدن شكل فرطيدر . مامونيزم ، جمع نقوددن دهها علوى بر غايه به واقف اوليان جنت درجه سنه اصل اولمش ، باره حرصيدر . مثلى نامسبوق عنف وشدتله ؟ قواى جهانى كندى خدمته نقاد ايتمكه چالیشان مامونيزمك بالجمله دنيا اقوامك سعى قوتى استثمار ايتمى واسارت اقتصاديه به منجر اولمى ضروريدر . مامونيزم بالجمله اخلاقى فكرلر ك تذليلنه سبب اولان

بر ذھنتدر. مامونيزم جهانشمول بر حادۋه اوله رق تدقيق اولنورسه عتيف ومبالا تنزېشرى
خودكاملقله عتني معاده در. مامونيزم حرص وطمعك، نامحدود احتراصاتك روحيدر.
منحصراً دنيوى نعمتلى و ثروتلى يدغصبه كچيرمكه سائق بر حالت روحيه در. اساسه باقيلنجه
يالكرز دنيابه طاپان واونك آلايشندن باشقه بر غايه سى اولميان وهر تورلو علائق مغويه دن
محروم بولونان بشرانمودنك ديندر. مامونيزم، انسانك دنياده موجوديتى يالكرز شخصه
خدمت ايچون اوليوب، هر كسك جمعيت و بالجملة بشريته قارشى وظيفه لرله مربوط اولدينى
فكرينى احتوا ايدن عوسيا ليزمك تماماً ضديدر.....

مامونيزمى، هر ملته منسوب محترص بويوك سرمايه دارلرك بيله بيله تشريك مساعى
ايتمى صورتنده ودها مادي بر شكلده نظر اعتباره آلمغه مجبورز. بو حالده مامونيزمك
كيزلى بر قوت حالنده نظره چاريدىغنى قيد و ثبوت ايتمك لازمدر.

بوتون دنيايى صوك قوه محر كه سى اوله رق دائره احاطه سى داخلنه آلان انكليز - آمريقا
جهان جا كيتك آرقه سنده كيلر بويوك سرمايه دارلردن بشقه لرى دكيلدر. جهان حربنك
قورقونچ قاتلارينه لازمك سرمايه يى ورنلر اولردر. دنيانك بويوك غزته لرينه صاحب
اولان بويوك ماليون بوتون روى ارضى بريالان شېكه سيله صارديلر. احتراصات سقله يى
تحرريك ايتمك، اولجه موجود فكرى جريانلرى تيمه ايتك اولرجه بر ذوق اولدى.

مؤلف كتاب حرب عمومى به تقدم ايدن ملتلى رقابتندن بين الملل سرمايه دارلرك نه صورتله استفاده
ايتمش اولديغنه دائر مثاللى و حربندن صوكرا آلمانيا حيات اجتماعيه سنى زير و زبر ايدن عوامل هب
بويوك سرمايه دار صنفنك حساب سيئاتنه قيد ايدمرك بين الملل سرمايه نك ناقابل مقاومت اولان قوتى
تره دن آلدىغنى تدقيقه باشلايور و دييوركه :

بين الملل بويوك ماليونك تشريك مساعيسى تماماً يكي بر حادۋه اولديغنى فرق و تميز
ايتمه مك قابل دكلدر... تاريخده بونا مشابه بر حادۋه كورولمه مشدر. بو كونه قدر بين الملل
مالى تعهدات همان همان مجهول بر شيدى و آنجق بين الملل فائز معامله سى فكرى جهانشمول
تجارت و اقتصادياتك تكامل و انكشافيله برابر تأسس ايتدى؛ بو نقطه ده بين الملل آلتون
بالمالرينك ناقابل مقاومت قدرتلىغنى اخذ ايتدكارى قواى داخله نك منبعه، اك درين
كوكرينه تماس ايديورز.

بويوك ماليونك قدرتى تيمه ايدن فائزلردر؛ ادنا بر سعيه و يورغونلغه محتاج اولمه دن
يى نهايه ثروتلك تجمع و تراكميدر. بين الملل سرمايه دارلق اقراضات فائزلرينك استناد

یتدییکی شیطانی دستوزدن تولد ایتمشدر . اقراض سرمایہ سی هر طرفده کوکشدی ؛ هر ملکیتی وهرملتی بر آحتاپوت کی قوللری ایله واردی .

تعهدات دولیه ، دیون عمومیه ، شومندوفر استقراضلری ، حرب استقراضلری ، رهن بالحاصل هر نوعدن اسهام دیون حیات اقتصادی مزى اوصورتله صارمشدر که دنیانک کافه قوامی بو آلتون آغک ایچدن قورتیلماق مقصدیله بوش یره اوغراشیورلر . هر نوع ملکیتک رنمایه حق اولاجغه دائر اساسی خطالی بر عقیده یوزندن پاره نمانسک اسارتنه دوشدک . منحصرأ پارهیه مالکیتک دواملی بر فائض ایرادی حقنی بخش ایدء جکئی معطن برسبب محق راخلاقی اورتهیه سوریه مز .

ولودمساعینک لاحق اولدیغی فائضلر وهر نوع ایرادلره قارشى درونی بر مقاومتک الجمله اقوامک حیات معنویه سنده موجود اولدیغی فرق وتمیز ایتک قابلدلر . فقط پاره حاکمیتنه قارشى بو درونی مقاومت عمیقہ هیچ بر زمان بو کونکی قادار ملتلر وجداننده بر بوله مامشدر . حاکمیت جهانی الءه ایتک ایچون مامونیزم شیمدییه قدر بودرجه واسع مقیاسده تشبثاته کیرشمه مشدر . هیچ بر زمان بو کونکی قدر هر نوع آلچاقلقلری ، احتراصاتی ، انتقام حسنی ، حرص و طمع ، حسد و کذبى بو قادار عنیف بر شکلده آلت ایدینمه مشدر . حرب عمومی اساساً تکامل بشر مرآتبنده قطعی بر نقطه در ؛ استقبالده مقدرات جهانک مادی - مامونیست ویا ناجلی - صوسیالیست Socialiste aristocratique تلقیلردن برینک تأثیرینه تابع اوله بیله جکی قضیه سی بورادن نشئت ایدء جکدر .

مامونیست انکلیز - آمریکا اتفاقک حال حاضرده غالب اولدیغنه شبهه یوقدر ، شرقدہ ، بولشه ویکلک عظیم بر عکس عمل کی آیاقلا ندی و بو حر کتده بارز اولان فکر اساس شبهه نيز مامونیزم تلقینسه طبان طبانه ضددر . فقط بولشه ویکلکک مراجعت ایتدیکی اصوللر صوک درجه جذری تداوی تشبثلرننددر . تسممدن مضطرب اولان برخسته نک باشنی ، قوللرینی ، باجاقلرینی بر عملیه جراحیه ایله قطع ایتک تداوی تجربه لری یاپیلور کیدر .

بولشه ویزم تهورینه ، بومعنا سز تشوشه بدل دنیایه مرضی القا ایدن ماده سمیه یی بر طرف ایتک ایچون بوتون سی و عمل صنفلرینی قوه توحیدیه سیله جمع ایدء جک بر فکر ، بریلان وضع ایتلی بر .

بو چاره یی فائض اسارتک لغونده کوریورم .

بروجه آتی اوج وقعه یی ندقیق ایدهرک اقراض سرمایهرینک فائضی سفالت مالیه مزک سبب حقیقیسی اولدینی تسلیم اولنور .

اولا - ثابت فائضی اقراض سرمایهرینک نسبتسز جسامتی ؛ یعنی ولود برسی لاحق اوله دن کندیلکندن نهایتسز بر صورتده بویون سرمایہ... آلمانیا ده بوسرمایه اویله بر درجه یه وارمشدر که بلا مبالغه ۲۵۰ میلیارد - تخمین اولنه بیلیر . بومبلغ عظیمک یاننده بالجلله صنایع مزک تدویر سرمایهرسی آنحق ۱۱,۸ میلیارد بالغ اولقده در. اگر بونا دیگر ۱۶۰۰۰ g. m. B. H [*] صنایع شرکتلرینک ۳,۵ میلیارد سرمایهرسنی ده علاوه ایدهرک اولور سق صنایعه موضوع سرمایهرنک مجموعی تخمیناً ۱۵ میلیارد اولور . ۲۰ الی ۱ نسبتی ؛ بوبرنجی اساس ثابت . - بواساسدن استخراج اولونان نتیجه شودرکه مسائل عظیمه مالیه دأر اتخاذ اولونه حق تدایبرک اقراض سرمایهرینه طأد اولانلری صنایع سرمایهرینه طأد اولانلرینه نظر آیکرمی مثلی ده مؤثر اولمیدر .

ثانیاً - یوقاریده ۲۵۰ میلیون تخمین ایتدی کمز اقراض سرمایهرینک فائض سنویسی تخمیناً ۱۲,۵ میلیارد و بوده بویله جه دوام ایدهرکدر . ۱۹۱۶ سنه سنده توزیع اولونان صنایع تمتعانی ایسه ۱ میلیارد مارقه قریب بر مبلغه چیقوردی . صوک اون سنه ظرفنده بومبلغ وسطی اوله رق تخمیناً ۶۰۰ میلیون ایدیوردی .

بوعددک صوک ایکی حرب سنه سنده ده ا زیاده یوکسلدیکنی فرض ایتک دوغری اولور ؛ فقط بوسنه ظرفنده عینی نسبتده سرعتله تنزل ایدهرکدر . بالجلله آلمان شرکتلرینک وسطی تمتعانی % ۸,۴ ایدی ثابت فائضلر اقراضات اسهامنک تمتعات وسطیه سنی % ۵,۳ نسبتده تجاوز ایدیوردی .

ایمدی تکرار ایدهرم : آلمان ملتی آتیا بویوک اقراض سرمایهرینک مختلف فائضلرینه سنه ده تخمیناً ۱۲,۵ میلیارد تأدییه مجبور اوله حق ؛ حالبوکه صنایعک بویوک تمتعات سنه سنده (۱۹۱۶) بر میلیارد و علی القاده سنه لرنده ۶۰۰ میلیون اولدیغنه نظر آ بوراده ۲۰ الی ۱ و ۱۲ الی ۱ نسبتلرینی بولیورز .

Geosellschaft mit geschränkter Haftung [*]

مسئولیتی محدود شرکت مفاسنه اولوب آلمانیا ده چوق تعیم ایتشد . عددی محدود اشخاص طرفندن تشکیل ایدیلن بوشرکتلرده شرکا قویدینی سرمایهر نسبتده تمتعاته اشتراک ایدرلر . بوشرکتلرک اسهامی یوقدر و شرکا ک حصه لری سربسته بیج و فراغ ایدیلهر . شرکا ک مسئولیتلری حصه اشتراک لری نسبتده واو دأثره یه منحصر در .

ثالثاً — بویوک اقراض سرمایه لرینک بسیط و مرکب فائض لرله تصورک قات قات فوقده عظیم برنشو و نما بولسی اک تهلیکلی عاملدر . بونقطه ده دها زیاده اوزاقدن باشلایه رقی و ریاضیه ساحه سنده کوچوک بر جولان یا بهرق مسئله یی تنویر ایده جکمی امید ایدیورم .
اولا برقاچ مثالدن باشلایه لم :

سطنج اویوننک اختراعنه تعلق ایدن لطیف حکایه جمله جه معلومدر . زنکین برهند حکمداری مخترعک رجاسنی قبول ایتمشدی . مخترع حکیم سطنجک برنجی خانه سینه براینجیسنه ایکی ، اوچنجیسنه درت والی نهاییه هر خانه یی بر اولکنک ضعیفی نسبتنده بغدادی دانه لری قونیلیمسنی حکمداردن طلب ایتدی . حکمدار بوظاهر ی تواضعه کوله رک در عقب برچوال بغدادی کتیرلیمسنی و خانه لره توزیع ایدلیمسنی امر ایتدی . بورجانک حتی دنیانک اک زنکین بر حکمداری ایچون قابل اسعاف اولمیدینی معلومدر . بوتون دنیانک محصولاتی ۱۰۰۰ سنه ظرفده ۶۴ خانه نک املاسنه کافی کله میوردی .

دیگر مثال : مکتب حیاتنده فائض حسابلرندن دولای چکدیکمز صقبتیلر ایچمزدن برچوغمزک خاطرنده در . میلاد عیسی ده فائضه یاتیرلش برسانتیم هر ۱۵ سنه ده برتضاعف ایده رک نه قاداره بالغ اولور ؟ سنه ۱۵ ده ایکی سانتیمه ، ۳۰ ده ۴ ، ۴۵ ده ۸ و الح بالغ اولور . بوسانتیمک بوکون نه قیمت افاده ایده جکمی بلکه ده خاطرلیه مه یز : بوتون کره ارض حتی سیاره لر وارضدن ۱,۲۹۷,۰۰۰ کره بویوک اولان کونش دخی یگپاره آلتون اولسه فائضه یاتیرلش اولان بوسانتیمک قیمتنی افاده یه کافی کلز .


اوچنجی مثال : بین الملل سرمایه دارانک اک اسکیمی اولان روچیلد عائله سنک ثروتی الیوم ۴۰ میلیارد تخمین ایدلمکده در . معلومدرکه فرانقفورتلی اختیار « آمشه ل مه یه روچیلد » مهم بر ثروتی اولمیدینی حالده ۱۸۰۰ سنه سنده هه س دوقه سی ایکنجی کیلومک کندیسنه تودیع ایتش اولمیدینی میلیونلری اقراض ایده رک بوعائله نک عظیم ثروتی وجوده کتیرمکه باشلامشیدی .

اکر روچیلدک پاره سی بحث ایتدیکمز سانتیم کی یالکز فائضه جوغلش اولسه ایدی خط راسی بوقدر سرعتله یوکسلمزدی . مع مافیه ، سانتیمده کی نسبی تطبیق ایدرسه ک روچیلدک ثروتی ۱۹۳۵ ده ۸۰ میلیارد ، ۱۹۵۰ ده ۱۶۰ میلیارد و ۱۹۶۵ ده ۳۲۰ میلیارد بالغ اوله حق و بوضورتله تکمیل آلمانانک ثروت ملیه سی بک زیاده تجاوز ایدمکدره . بو اوچ مثالدن بر دستور ریاضی استنتاج اولنه بیلیر . روچیلدک ثروتنک یوکسلمسنی

كوستن خطر اسام ، سطر نچ تحت سنك خانه لرینه موضوع بغدادی عدد لرندن حاصل اولان خط راسم ونهایت ساتیمك چو غالمسنى مشعر خط راسمك جمله سى عینى سجه بی حائر ریاضی خطوط راسمه دره اول امرده یا واش یا واش یو كسله رك كیتد كجه دیکله شیرلر و براز صوكره خط مماسلری بالفعل لایتهاهی به یا قلا شیر .

حالبو كه صنایع سرمایه لرینك خط راسملری تماماً باشقه اشكال ارانه ایدر . عمومیتله بدایتده پك كوچوك اولان بوسرمايه لرك برآز صوكره سرمایه تك درجه اشباعه وصولی نقطه سته دوضری بردنبره یو كسله كلدی كوریلور . او نقطه ده خطر اسام دها افقی وضعیت آلیر و حق بعض صنایعده موجود ماكنه ، تأسیسات و سائر مك یكى اختراعات یوزندن قیمتلرینی ضایع ایلملری اوزرینه خط راسم تنزله دوچار اولور . قروپ اعمالا تخانه لرینی مثال اوله رق آله لم : اختیار قروپ ۱۸۲۶ ده همان هیچ ثروت ترك ایتیمه رك وفات ایتدی ۱۸۵۵ ده آلفرد قروپ مصر حكومتی

طرفندن ایلك ۳۵ طوب
سپارشی آلدی ۱۸۷۳ ده
آرتق قروپده ۱۲ بیک عماله
چالیشوردی ۱۹۰۳ ده
مادام برقا قروپ بوتون
تأسیساتی و مؤسسسه بی آلفرد
قروپ آنونیم شرکته ۱۶۰



میلیونه صاتیوردی . بو کونکی اسهام سرمایه سی ۲۵۰ میلیوندر . قروپك اسمی بز آلانلرا یچون نه به دلالت ایدر ؟ انکشاف صنایعیمزك نقطه قصواسی ؛ دنیانك برنجی درجه ده طوب عاملی ؛ ای تنظیم ایدلمش ، متکاثف ، معنده بر سغیک بالغ اولدینی بر مقدار معظم ؛ یوز بیکلرجه وطنداشمز ایچون سعی و معیشت ؛ ملتزم ایچون اسلحه ... مع مافیه روچیلدك میلیارلری اوکنده بر جوجه ... فائض سایه سنده قیمتفی بالاسنی نامحدود بر درجه به قدر آرتیران روچیلدك تزايد ثروتی یاننده قروپ سرمایه سنك بر عصرده کی تزايدینك نه اهمیت و اردر ؛ اقراض سرمایه سیله صنایعده مستعمل سرمایه آراسنده کی درین واساسلی فرقلی بوندن دها ای برشی

بزه کوستره من . یالکز اقراض سرمایه لریله صنایع سرمایه لرینك تابع اولدقلری قوانین ریاضیه نك معلوم اولسی تذبذب حالنده اولان مالیه سیستمك هانکی جهتندن تقلیه باشلامق لارمکه جکفی بزه غایت صریح بر صورتده کوستردیکندن بونقظه ده نه درجه اصرار ایتسه ك آذر . نه بالذات سرمایه دارلق مسلیکنك ونه ده سرمایه نك بشریت ایچون بر مصیبت اولدیغنی صراحة تصدیق ایدرز . فقط بویوك اقراض سرمایه نك طویمق بیلمیان فائضجیلک احتیاجی بشریت ساعیه نك باش بلاسی اولمشدر !

سرمایه احتیاج واردر - سعه احتیاج واردر ! یالکز سعیک قدرتی آذر - یالکز باشنه سرمایه نك هیچ بر قدرتی اولماسی لازمکیر !
سعیسر سرمایه عقیم اولماید . - بناء علیه اك مهم مطلب ، بر انقلابك اك معقول مفهومی فائض اسارتك الغاسی اولماید .

روحیلد عائله نك حال حاضرده کی ثروتی ۴۰۰ میلیارد ؛ آمریکا یوکسك طبقه مالیوننه منسوب میلیارد لرلر دن قان ، لوب ، آسطور ، شیف ، شبه یه ، مورغان و اندربیلدك مجموع ثروتی ۶۰-۷۰ میلیارد تخمین اولنیور . ۱ کر ٪ ۵ فائض مقدارینی اساس اعتبار ایدجك اولورسقی بو ۸ عائله نك ایرادی ۵-۶ میلیارد بالغ اولورکه هلفریچك حسابنه نظراً ۱۹۱۲ سنه سی پروسیاده موجود بالجمله مکلفین صنفی یکون ایرادینك ٪ ۷۵ مقدارینه هان مساوی اولور . . . بو مکلفین ۳۸ میلیون نفوسدر .

دیك که بو ۳۸ میلیون آلمان یوقاریده اسمی سبقت ایدن میلیارد لرلرک ایراد سنویسنی تشکیل ایدن مبلغه یاشایه جقلردی - فی الحقیقه آمریکا میلیارد لرلری روحیلدر وسائر کبی منحصرأ اقراض سرمایه دارانی دکلردر . آمریکا میلیارد لرلری « ۱۰۰ میلیون دولارلق » میلیارد لرلر میدرلر یوقسه « ۱۰۰ میلیون مارق » حقیقی میلیارد لر میدر ، بوجهی تدقیقه کیریشمیه جکم ؛ برنجی تقدیرده حسابمزه بر ایکی دوزینه یکی قره زوس دها علاوه ایلک لازمکه جکدر . ویاخود راتناوک « ۳۰۰ » لرینی آلیرسقی حسابمزه تماماً قاعده سنه موافق اوله جقدر ؛ بوراده قطعی ارقام تثبیتنه مجبور دکلز ؛ ۳۰۰ کیشی ایله ۳۸ میلیون نفوس آراسنده کی فرق عظیم بین الملل اقراض سرمایه نك ظالمانه تحکمنه کوزیمزی آچور .

مؤلف کتاب مسئله یی بویله عمومی خطری اوزرنده تدقیق ایتدکن وطامه بشرک بین الملل اقراض سرمایه سنه قطعی اسارتیله نتیجه لنه جکی نتیجه سنه واصل اولدقن صوکره آلمان ملتک وضعیت مالیه نك اصلاحی ایچون کندنجه معقول کورونن اصول ووسائطك ایضاحنه شروع ایتدکن اوله شو جمله لری علاوه ایدیور .

داخلی سفالت مالیه منری تهوین ایچون مانیوه لای نره به تطبیق ایتمه من لازمکله دیکفی
 بزه ایلك دفعه اولمق اوزره صراحتاً کوسترن بو اوج نقطه در . صوسیالیست مفکوره -
 جیلکنک صنایع سرمایه سنه اولان هجومی ده تماماً خطا آلود اولدیفنی تصدیق ایده رز ،
 زیرا ، صنایع متشبثلرینک کافه تمتعانی ویرکولر صورتیه ویاخود صنایعک ملته مال ایدلمسی
 طریقله آللرندن آلنسه بیله مصادره ایدیلن مبالغ دولت بوجه منک موجب اولدیفنی عظیم
 تکالیفک یاننده جالب خنده بر درجه ده قالیر .

مؤلف آلمان حرب استقراض داخلین اوزون اوزادی به تدقیق ایدرکن مختلف صوسیالیست
 و قومونست نظریاتی و مارکس ، انگلس کی صوسیالیزم حکما سنه وارنجیه قدر جله نک فائض
 مسئله سی قارشیننده غائبدن امر آلمش کی توقف و سکوت ایتدکلرینه اشارت ایدیور . آلمانیا
 بورجلیرینک فائضی تأدیه ایتمه رک وضعیت مالیه بی قورتارمق قابل اوله جقدر دیور و کوچوک اسهام
 صاحبلیرینک ضررلرینی تلافی لازمکله جکفی تسلیم ایدیور . فائضلرک عدم تأدیه سی دولت افلاسنه
 منجر اوله جفی اعتراضه قارشیه ده بونک اقراض سرمایه دارانک احداث ایتدیکی بر قورقولقدن عبارت
 اولدیفنی ادما و « فر . رور » ک کتابی اوزون اوزادی به تنقید ایده رک افلاسک بر فلاکت
 اولیه جفی نتیجه سنه و ایدیور .

کتابک مهم بر قسمی آلمان دیون همومیه سنک فائضلرندن متولد وضعیت مالیه و ویرکولرک آغیرلری
 و فائضلرک الفاسیله استحصال اوله جق نتایج تهلق ایدیور . بو مبحث مطولدن صوکره فائضلرک
 الفاسی حقنده کی نقاط نظری مؤید بعضی دلائل تاریخیه انتقال ایدیور و دیور :

فائض اسارتنگ الفاسی کیفیتک ، قیمتی تولید ایدن سی ایله هیچ مناسبتی اولمادیغنی
 تصریح ایتک حائز اهمیت بر نقطه در ؛ فکر تشبیه ، ولو دمساعی به ، ثروتک استحصاله ،
 هیچ بر مانعه ایقاع ایتمز ؛ بالعکس تماماً دمساعی به بذل مقدرات ایده جت ملت آغیر ،
 مظلم و ناقابل ایضاح بر تضییقندن قورتیه جقدره حیات روحیه من برسم مسکردن تصفیه ایدلمش
 اوله جق .

ازمنه تاریخیه طرفده فائض اساسنک منفور سجه سی صحیح اوله رق کورولمشدر ؛
 زیرا هر زمان فائض مسئله سی اذهانی اشغال ایتدیکنی کورویورز .

توراتک مختلف محللرنده فائضک ترکنه دائر (کتاب موسی ۳ فصل ۲۵ ، کتاب
 موسی ۵ فصل ۱۵) او امر بولیورز ، او صورتله که هریدی سنه برشنگ ییلی عد اولنیوردی ،
 او سنده کافه دیون عفو ایدلمک ایجاب ایدیوردی .

میلاددن ۵۹۴ سنه اول دمتدن متولد شخصی اسارتی صولون بر قانون ایله الفا

ایتمشدی . بو قانونه (بر یوکی اوموزندن آتمق معناسنه) Seisakhteia تسمیه اولیوردی .
قدیم روماده میلاد عیسادن ۳۳۲ سنه اول « Lex gemicia جه می سیا » قانونی
رومالی وطنداشك هر نوع فائض آلمسی منع ایتدی .

ایمپراطور ژوستینین زماننده بداخلات مقداری بدایتاً اقراض اولونان سرماییه
مساوی بر مقداره بالغ اولدینی زمان بر کونا فائض طلب ایدیلهمیه جکی ماده سی ده ذکر
اولنهرق فائض مرکب آلمسی منع اولوندی .

پاپا برنجی له ژون ۴۴۳ سنه سنده فائض آلمسی بر امرنامه ایله عمومه منع ایتمشدی ؛
او زمانه قدر اقراض مقابلنده فائض آلمق یالکیز صنف رهبانه ممنوع ایدی . بویله جه
فائض ممنوعیتی صنف رهبان مجله حقوقه داخل اولیور و راهب اولیانلر حقندهده مرعی
اولیوردی . یاواش یاواش بو دنیوی قانون دینی قوانین میانه داخل اولیور و فائض
آلانری بر جزا ایله تهدید ایدیوردی . بونلری ۱۵۰۰ ، ۱۰۳۰ و ۱۵۷۷ سنه لری
ایمپراطورلق انضباط نظامنامه لرده بولیورز .

بو قانونلرک چوق اعتراضاته اوغرا دینی و متعدد دفعه لر حکمدن ساقط اولدقلری ده
حققدر ؛ بو مجمل قیود تاریخیه مناسبتیه شونی ده بر حادثه عجیبه اوله رق نظر دفته عرض
ایده لم که اون برنجی عصردن اون یدنجی به قدر رهبان مجله حقوقه نظراً فائض آلمق
خرستیانلره منع ایدلمش اولدینی حالده موسویلره مساعدده اولیوردی .

هر کره سنده بو « یوک آتمای » موجب اولان غیر طیبی احوال اقتصادیه نك نه دن
عبارت اولدینی تدقیق اتمک جالب مراق برشی اوله جق . خصوصاً فائض آلمق ممنوعیتی
الفا ایتدیرن قوتلرک ده هانکیلری اولدینی کورمک پک قیمتی اولوردی .
قرون وسطاده تفه جیلره پک مختصر بر محاکمه اصولی تطبیق اولنوردی ؛ دوچار
استمار اولان ، قانی امله ن کویلولر و اهالی طوبلانبر تفه جی قتل ایدرلردی . فائض
مسئله سنک شیمدیکی صفحه تکاملی باشقه صورتدهدر . بو کبی قتل معامله لری عمومک
منفوریدر و مسئله بر قاچ مرکز قیقحاتی قطع ایدمک محدود بر خسته لغک بر طرف
ایدلمسی قضیه سی نکلدر .

بوتون بشریتک مصاب اولدینی وخیم بر مرض موضوع بحثدر . بالخاصه نظر دفته
آلمق لازمکیر که زمان حاضر حرثی ، مناسبات اقتصادیه نك بین الملل سیجیه سی فائضجیلک

مسلکني بودرجه مهلك برحاله قویور. قید ایتدیگمز خلاصه تاریخیه بوکونکی شرائطه توافق ایتمز. بابلیلر آتوریلره، رومالیلر قارطازدیلره، جرمنلر رومالیلره غالب اولدقلری زمان حربدن صوکره فائضدن متولد براسارت باقی قالمیوردی. حربلرده استقراض طریقیه الله ایدیلن سرمایه لرله ذکل وقت صلحه تراکم ایتدیریلن خزینه لرله یاپیلردی دولت اعتبار مالیسنه دائر یازدیغی اثرنده داویدهوم بو خصوصی جالب دقت بر صورتده ایضاح ایدیور. آنجق شیمدیکی دور تاریخی ملکیتده استمرار، و حقوق بین الملل سایه سنده اقراض سرمایه لرینک لایتناهی بر صورتده بویومسنی موجب اولیور، حضرت عیسی زماننده فائضه یاتیرلمش اولان سانتیم آرتق موجود دکدر، چونکه او زماندنبری بالجه حقوق تصرفیه قوت قارشیسنده مغلوب اوله رق یرنی قوته ترك ایتمشدر: فقط اختیار روچیلدک سانتیمی موجوددر و حقوق بین الملل موجود اولدجه موجود اولمقده دوام ایده جکدر. شونی قید ایده لم که ارضک واسع مناطقدن قسم اعظمی، عیناً تأدیات اموال اصولندن مسکوکاتله تأدیات اصولنه دها صوک زمانلرده کچمشدر. فائضک آلمسنی تحدید ویا کلیاً منع ایدن قانونلرک مثلاً انگلتره ده ۱۸۵۴، و دانیمارقه ده ۱۸۵۶ بلجیقاده ۱۸۶۵، اوستریاده ۱۸۶۸ ده الغا ایدلمش اولملری بو جهتله غایت مهمدرلر.

بوندن آکلاشیلیور که فائض فکرینک پاره یه تملک ایله ناقابل تفریق اولسی ظنی یالکن یارم عصردن بری تأسس ایتمشدر. ایشته پاره نک کسب ایتمش اولدیغی ابلیسانه و عمومی شامل قوت بو اساسدن تولد ایتمشدر.

دولتلرک سرمایه دارلردن استقراضه باشلاماری ده کچن عصرک واسطنده واقع اولمشدر. اوندن صوکره دیون مذکوره کیتدکجه زیاده لشمشدر. عینی دورده، هیئت اجتماعیه نیک ایشلرینی تدویره مأمور اولان دولت مؤسسه سنک سرمایه دارلرک منافعی اداره درکسنه ایندیگنی کورییورز. بوسلسله تکامل هر مملکتده موجودیتته تصادف ایلمکده اولدیغمز حرب استقراضلرینه نقطه اقصایه واصل اولیور، منحصرأ مامونیت منافعه خدمت ایدیور و بین الملل عمومی بر استقراض آیده سیله تنوج ایتک اوزره بولنیور.

اقراض سرمایه سنک کندیلمکندن الی نهایه و ناقابل اجتناب بر صورتده نشوونما بولمق استعداد فوق الطبیعه سنه مالک اولسی اعتقادی قیرمق شو مختصر تدقیقات سایه سنده دهاقولای اوله جقدر. اقراض سرمایه سنک دنیاده حادث اولان وقوعاتدن متأثر اولیه رق

تخریبات قوتلرینك تأثیریندن آزاده برحالده بولوطلارك اوستنده کی معلا تحتنده بقا بوله جفی
فکری بر طرف ایتلی بز. زیرا بر باندن کاشانه لر، کوپریر انقاض حالده دوشرکن رهنلر
شمندوفر تعهداتی باقی قالیورلر.

بلده لر، ولایتلر حرب واسباب سائر ایله تخریب اولنیور، نه اهمیتی وار، بوتون
بونلرک معناسی یکی بر طاقم تعهدات مالیه وسائر بین الملل آلتون بابالری بشریتك
دیوانه لکفی حریص کوزلریله تماشاییدیورلر. بوتون بشریتك بلااستشنا مامونیزمه بندم.
اوله جفی زمان اوزاق دکدر.

مؤلف کتاب، مسئله یی بوصورتله ایضاح ایتدکدن صوکره اقراض سرمایهنك احداث ایتش
اولدینی تشوش مالی یی بر طرف ایتك وملتلر حیات اقتصادیسنی تصفیه ایتك ایچون بولدینی چاره لر.
انتقال ایدیور. بو چاره لک باشلیجه لری بوجه آتی تلخیص اولنه بیلیر:
دولتلك حرب استقراضلری و دیگر نوع تعهدات مالیه لری بانقه مودوواتی صورتنه قلب اولونه رقی
قائضلری تأدیه اولونما لیدر.

ثابت قاضلی بالجه اسهام رأس المالی ۲۰ الی ۲۵ سنه ظرفنده قاض نسبتنده معین تأدیات ایله
دوام اولنه رقی تأدیات مقداری رأس المال مساوی اولنجه اطفا ایدلش عد اولونمایدیر.
املاک تأمیناته مستند هر نوع دیوناته ده عینی صورتنه تابع اولمایدیر. املاک صاحبك مستفید
اولدینی اطفا ایدلمه مش دینی رأس المالی دولته انتقال ایتمایدیر. بوصورت تسویه کیرالرده اجرای
تأثیر ایدر.

بوتون معاملات مالیه دولتك مرکز قاصه سندن اداره ایدلمایدیر. بالجه خصوصی بانقلر، پوسته
چک قاصه لری وسائر دولت مؤسسه سنه تابع اولمایدیر. املاک اوزرینه اعتبار، دولت مؤسسه سنی
طرفندن اداره ایدلمایدیر. خصوصی بانقلر امتعه تجاریه و تجار اوزرینه اعتبار معاملهی ایفاسنه
مأذونیت ویریله بیلیر.

تمتلی اسهام ثابت قاضلی اسهام مثللو ٪ ۵ سنوی تأدیات ایله اطفا ایدلمایدیر. فضله تمتعات
تسماً ایشده قولانیلان سرمایهنك تضمینی ایچون اسهام حاملرینه تأدیه اولنه بیلیر و قسماً مقاصد
اجتماعیه و یاخود مستحصلات فیثاتی تنقیصه حصر اولونه بیلیر.

فده رک تشوش تام ایچنده اولدینی اعتراف ایلدینی جهان مالیه سیستمك اصلاحی ایچون
درمیان ایتدیی چاره لری مرضك اعراضنی تداوی صورتنده تلقی ایده بیلیر، فی الحقیقه اساساً فردلر
بیننده تعاون حس انسانیسیله باشلامش اولان اقراض کیفیتك قاضجیلک شکلنه انقلابی بشریت
ایچون بویوک بر مصیبت اولش و قاپیتالیزمی احداث و بالنتیجه حیات عمومی یی افساد ایتشدیر. فقط
حالا دنیای صارمش اولان بو منظومه مالیه یی اساسدن تبدیل ایده بیلیمک منظومه یی تولید ایدن
اجتماعی و اقتصادی احتیاجی تطمینه کافی یکی برنسق اقتصادی و دستور مالی احداث و اولکینک برینه
اقامه ایتکله قابل اولور.